

RNI 68092/83 Regn. No. N.E. 1024

**From**

Synod Literature & Publication Board

Synod Office, Mission Veng

Aizawl – 796 001, Mizoram

Phone : 2324590



E-mail : [slpb@rediffmail.co.in](mailto:slpb@rediffmail.co.in)

**Vol. XXV No. 337**

**N E W S L E T T E R**

**October, 2011**

## **CWM FACE TO FACE PROGRAMME MIZORAMAH**

September 26, 2011 zan khan Council for World Mission (CWM) Face to Face (F2F) programme chu Aizawl Theological College, Durtlangah òan a ni a, he programme hian October 17 thleng a awng.

CWM programme hi session hnihah òen a ni a, session khatnaah chuan Hawna leh Inlawmna hun hman a ni a, Pu Lal Thanhawla, Mizoram Chief Minister chu khuallian niin, a nupui Pi Lalrilianian leh an faten an òawiam a, Rev. Zosangliana Colney, Executive Secretary, Theological Education lam changtuin programme a kaihrui a. Programme hmang tura lo kalte hnenah C.M nupui Pi Lalrilianian ngaihruina thilpek a hlan a, Rev. Dr. Vanlalchhuanawma, Principal, ATC-in inhmelhriattirna hun hmangin Mizoram chu Kristian Chief Minister, khawvel ram hrang hrangin Kristiante thiltih lian thama tel tura an sawm òin nei a nih avanga ram vannei tak a nih thu a sawi a. Rev. Vanlalzuata, Senior Executive Secretary-in malsawmnain a òin a ni.

CWM Face to Face programme hi CWM-in khawvel ram hrang hranga Pathian thu zirlaite puala hnam hrang hrangte nunphung hriatzauna atan leh inhriat pawh tawna òa te, inpumkhatna atantea seminar chi khat a buatsaih, kum tina neih thin, inter-cultural programme tam tak a neih zinga pakhat a ni a. Hetiang lam chi programme hi Mizoramah neih a la ni ngai lo va, tun hi a wavi khatna a ni. A hawna kaihrui tu Rev. Zosangliana Colney chuan kum 2005-a he programme an hman tuma ATC hian a thleng ve thei ang, tia rawtna a lo siam tawh thu sawiin, a hlawhtlinna hmu phàka a awm avanga a lawm thu a sawi. Session hnihna hi Cultural programme atana hman niin, Mizoram Art & Culture Department lamin Cultural Group an rawn tirhte chuan kalkhawmte chu hnam lâm leh zai chi hrang hrang an entir a, Mizo folk singer lar, K.C. Runremsangi chuan hnam zai leh Pathian fakna hla sain a awi baw. Ramhlun North YMA Zaipawlin hnam hla leh Pathian chawimawina hlate an sa baw.

Khuallian, Chief Minister Lal Thanhawla chuan thu sawiin, khawvel ram hrang hrang àanga lo kalte lawmna thu a sawi a, zanriah buatsaihtu nihna changin mikhualte a lo lawm a ni. Chief Minister chuan, Mizo hnam chu khawvel hnam zawng zawng zinga hnam danglam bik, Pathianin a bik taka a enkawl leh a humhalh a nih thu chhuang takin a sawi a. Khawvela sakhaw lian ber ber pathumten kil tinah an hual vel chung leh, hnam têtak têt a ni chungin, chung lam àanga vengtu Pathian avangin India rama Kristian State tia sawi theih awm chhun a ni, a ti. Pathianin Sap ram àangin missionary a rawn tir a, he ram hi a rawn zawng chhuak a. Kawng tinrengah a chawi kang a, ziak leh chhiar thiam lamah pawh India rama a pathumna kan ni mek a ni, tih thu sawiin, Mizorama zirna hi Pathian thu avanga lo inhawng a ni a, missionary-te kha kan zirna bul tumtute an ni, a ti.

Pathian thuin min siam danglamna hi pàwn lam lang theiah chauh ni lovin, chhùng lam òatnaah pawh a lang nasa

a, Mizoramah hian rethei leh hausa kan inawm pawh a, inthliarhranna a awm ve lo. Mi hausa leh rethei inthlirarna society kan ni lo va, chi leh chi inthliarna (Caste system) pawh a awm lo, a ti baw. Chief Minister chuan Kohhran bik nei lo, Isua Krista kan zui avangin Kristiante inpumkhatna a ngaih pawimawh thu a sawi a, “Kohhran Pawl hrangahte awm darh mah ila, Isua Krista avang hian kan inpumkhat thei tur a ni. Mi zawng zawng hi Kohhran hnuaiah hun puma thawktu nih vek theih a ni lo va, mahse hun puma Kristian kan ni vek thei a ni,” a ti baw. Cultural programme hman zawhah hian zanriah kilho a ni.

Face to Face programme hmang tur hian khawvel ram hrang hrang 10 àangin mi 11 an lo kal a, Australia, India, Myanmar, Fiji, Madagascar, Zambia, Kiribati, Congo leh Sri Lanka àangtea lo kal an ni.

September 27 khan seminar neih a ni a, mi thiam hrang hrangte thuziak buatsaih an zirho a ni. Mikhualte hi ATC campus-ah vek an thleng a. Mizoram Synod aiawhin ATC hian thlengtu nihna an chang. He programme hi bung hniha neih tur a ni a, Mizoram Synod leh Bishop’s College, Kolkata te chu a thlengtute (Joint host) an ni a. Tun tuma mi hi ‘Part One’ tih a ni a, Mizoramin a thleng a, October 17 thleng awng tur a ni. ‘Part Two’ chu October ni 20 àanga November ni 11 thleng tur a ni ang a, Bishop’s College, Kolkata-ah ngah a ni thung ang.

ATC-a seminar leh programme dangte zawh a nih hnuaiah hian palaite hian feh chhuah hun an hmang dawn a, a thawh khatna chu October 1–8 chhùngin an nei ang a, hemi chhùng hian thingtlang lama Presbyterian Kohhran Bial pathum tlawh tura ruahmanna siam a ni.

A thawh hnihna hi October 10–17 chhùngin neih a ni leh ang a, Aizawl khawpui chhùnga Presbyterian Kohhran Bial 11 chhùnga Kohhrante nunzia zir tura feh chhuah a ni leh ang.



**Editorial Staff**

Rev. Thangzauva Upa H. Ronghaka  
Rev. B. Lalngkhliana  
Upa C.H. Thangkhuma

Khawvelah hian thil leh ri hriat tur a tam hle a, kan thil hmuh leh hriatte chuan kan nunah nghawng a nei thui thei hle thin. Kan ngaihthlak leh hriat duhzawng azirin kan nun hi a tha zawngin emaw, a tha lo zawng emaw pawhin hruaiin a awm bawkw thin. Chuvangin kan beng leh ngaihtuahna te, kan rilru suhthlek zawngte hian kan nunah awmzia a neih thui em avangin fimkhurna turah chuan i inveng tlat thin ang u.

**RAMPUM HUAP TAWNGTAI TLAIVAR**

Mizoram Presbyterian Kohhran Hmeichhiate chuan kum tina an tih thin angin October 4 (Thawhlehi) zan khan Rampum huap tawngtai tlaivar programme an hmang. Programme hi hun hnihah then a ni a. Hun I-naah 'Lalpa chungaw lawmna chu in chakna a ni si a' (Neh. 8:10b; Hab. 3:17,18; Sam 1:1-3) tih thupui zirho a ni. PWF puala thawhlawm lakkhawm a ni bawkw. Heng thawhlawmte hi Bial Treasurer kaltlangin December 2011 hmian Synod Office-ah theh luh tur a ni.

**KRISTIAN TLANGAU CENTENARY LAWM**

Ni 11.10.2011 (Thawhlehi) khan Mizorama chanchinbu hlun leh upa ber, Kristian Tlangau kum 100 tlin (Centenary) lawmna hun Synod Conference Centre-ah hman a ni.

Centenary lawmna inkhawm hi Rev. Vanlalzuata, Sr. E/S-in a kaihruai a; Upa H. Ronghaka, Secretary, Centenary Sub-Committee-in inhmelhriattirna hun hmangin; Rev. Thangzauva, Editor, Kristian Tlangau-in report a pe a; Synod Moderator, Rev. C. Lalsanglian Centenary Address a sawi a; Thakthing veng Kohhranin Kristian Tlangau chhuah tan hun lai vel tilang thei lemchan hmuhawm tak an entir bawkw.

Hemi hunah hian Kristian Tlangau Centenary denchhena Article inziaksiak lawmman sem a nih bakah, Kristian Tlangau-a Sermon & Article ziak tam berte hnenah lawmman hlan a ni a, Centenary puala buatsaih lehkhahu hlu tak tak pali – Centenary Souvenir, Sermon 100 thlan chhuah, Article 100 thlan chhuah leh Zawhna leh Chhanna & Editorial thlan chhuah bute tlangzarh a nih hnuin Upa C. Lalbiaktluanga, Business Manager-in lawmthu a sawi a, Rev. Dr. Vanlalchhuanawman malsawmnain inkhawm a thin a ni.

He inkhawmah hian Mizoram Synod Choir-in Pathian fakna hla an sa a, Ramthar Veng Kohhran Pavalai Pawlten ei tur an buatsaihsak a, Mission Veng KTP-ten receptionist hna an thawhsak bawkw a ni.

**HUMSUAL DAITE PUAL GOSPEL CAMPING**

September 26 – Oct.8. 2011 chhung khan Central KTP chuan Hmeichhe humsual daite pualin Multipurpose Cultural Centre (MPCC) Berawtlanga Art & Culture hmuna Chhanchhuahna Camping a buatsaih.

Chhanchhuahna Camping-ah hian mi 62 an lut a, campers zinga upa ber chu kum 55 a ni a, a naupang ber chu kum 17 a ni a, nau pawmlai luhpui mi 3 an awm bawkw. Campers-te kum chawhrual chu kum 27 a ni. Campers-te pual hian Kohhran, Bial KTP, Branch KTP, Kohhran Hmeichhia leh mi mal hnen atangin thilpek ₹ 20,000/- chuanga pawisa dawn a ni. Damdawi leh thil chi hrang hrang dawn a ni bawkw. Thilpek petu zawng zawng chungah Central KTP chuan lawmthu a sawi tak meuh a, tawngtainaah lo hre zui reng turin Kohhran mipuite a ngen nghal bawkw.

Campers-te hi kut ruaka lut an nih hlawm avangin Central KTP chuan an mamawh thil engkim a leisak vek a. A tir lamah hian Campers-te taksa tihchak leh damdawi hmanga enkawl phawt a ni. He Camp-ah hian Pi Vanlalngkhaki, Jehova Jire Team speaker leh a team-te rawngbawla hman an ni.

**HRIATTIRNA**

Synod Multipurpose Training Centre, Mission Vengthlangah a hnuai Trade-ah te hian training hawn a ni leh dawn a; a hnuai hming ziak hnenah hian Kohhran lehkhah thil telin dilna theh luh theih a ni-

1. Tailoring (mipa) Seat 20 : Jan. 15–Dec. 15. 2012
2. Tailoring (hmeichhia) Seat 40 : -do-
3. Shoe making (mipa) Seat 5 : -do-

Dil theih hun chhung : November 2011

Interview hun : Ni 13.12.2011; 10:00 a.m  
Zir tura lakte chu thla tin Stipend ₹ 500/- pek an ni ang.  
Sd/- Rev. F. Lalrinnunga  
Programme Director, SMTTC,  
Mission Vengthlang, Aizawl

**PRESBYTERIAN HOSPITAL NGENNA**

1. Damdawi In leh a velah meizuk khap a ni.
2. Damdawi In Compound-ah Motor/Bike chak taka tlan leh Engine bengchheng chi khap a ni.
3. Chawlhni (Sunday)-a damlo kan intlauh nasat deuh hian damlo chau zualten an chauh zual phah thin avangin tlawh dan pawh i thiam deuh ang u.
4. Damdawi Ina damlo thlawhtuten Gate Duty-te thu awih tlang ila, thu awih lote avangin Damdawi In a buai phah thin. Tuman Gate Duty-te su lui lo turin kan ngen e.

Sd/- Director  
Presbyterian Hospital

**SAWMNA**

Lungpho Kohhran chuan ni 3 – 6.11.2011 chhung hian an Kohhran kum za (Centenary) tlin lawm an tum a; he hun hmanpui tur hian Lungpho Kohhrana lo lawi tawh zawng zawngte hmanpui turin an sawm.



Râl vêngtu in lam panin thian dun hi an kal a, amah an hmuh chuan a hnenah, “Râl vêngtu, tun lai chu thil hriatthiam harsa tih kan nei nual mai a, kan sawi thei ang em?” an ti a. Râl vêngtu chuan, “In duh apiang sawi rawh u,” a ti a. Anni chuan an thil hriatthiam loh te hetiangin an hrih a—

1. Zion khawpuia khawsaa, phusa ve tak tak zingah hian, ‘Ephraïma chu chhang leh loh,’ tih ang maiin, hmin kim lo, Kohhran bela chhum hmin hleih theih loh an awm thin a, hetiangho hian Krista taksaah hian harsatna an siam thin a, a pawî takzet a ni.
2. Rawngbawl na kawnga inpe tak tak lo, a langa mawî zawng mai mai ni âwm tak te hian Krista leh a rawngbawl hna an tithuanawp a, kawng an dal; dah sawn rih a tha lo’m ni?
3. Zion khawpui chhûngah hian thingngêt pangang ang maia hna thawka, ram dang tanpuina la lûta che an awm hian, tlûk chhiat a ni angin, hetiang lakah hian kan fihlim a va ngai tak em!  
 “Râl vêngtu, kan sawi seng lo ve. Tawk mai rawh se,” an ti a. Râl vêngtu chuan, “In thusawi atang chuan, Krista venpuituten, mahni hmun theuhvah hna thawh tur kan ngah hle a ni tih hriain; tan i la thar zel ang u,” a ti a. An tin ta a.

**PRESCOM KUM 100-NA LAWM**

Synod Press & Bookroom tia hriat thin, Presbyterian Communications Department (PRESCOM) rawngbawl na chuan kum 100 a lo tling ta a, September 20 khan Centenary Week hawna inkhawm Synod Bookroom kawtah neih a ni a, Sept. 20–24 chhung khan Synod Bookroom chuan Centenary Sale an hmang chhonzawm a ni.

Oct. 1, 2011 zing dar 7:00-ah Centenary Monument hawna, PRESCOM Office-ah neih a ni a, Upa P. Thangchhuana, Board Member-in a kaihrui a, Upa F. Lalsangliana, Gen. Manager, PRESCOM-in Report a pe. Synod Moderator Rev. C. Lalsanglianan Centenary Monument hi a hawng. Rev. Lalzuithanga, E/S-in malsawmna sawi in programme a khar.

Centenary lawmna inkhawm hi chawhnu dar 12:30-ah Synod Conference Centre-ah neih a ni a. Rev. Vanlazuata, Sr. E/S-in a kaihrui a, Pu Lalhrualtuanga Ralte, Manager, Synod Press-in inhmelhriattirna hun a hmang a, Upa F. Lalsangliana, G/M-in report pein; Rev. C. Lalsanglianan Centenary Address a sawi.

Hemi hunah hian Centenary Souvenir bu leh Documentary Film tlangzarh a nih hnuin Pu Lalniliana, Bookroom Manager-in lawmthu a sawi a, Rev. Thangzauva, Moderator (Elect)-in malsawmnain inkhawm a tin. Press & Bookroom Zaipawl leh Mizoram Synod Choir an zai a, NI. Nancy Zothanmawii in a zaiin kalkhawmte a awi bawka ni.

**PRESBYTERIAN HOSPITAL, DURTLANG  
SEPTEMBER, 2011 CHHUNGA THILPEK DAWNTE**

**I. CHARITY FUND**

1. Dr. K. Lalremmawia, Presbyterian Hospital	Rs. 2,000
2. Rev. C. Sangliana, Venghluï, Aizawl	Rs. 10,000
3. Kawnpui Chhim Veng Presbyterian Kohhran	Rs. 5,000
4. Pu Hrangkunga, N.E. Khawdungsei	Rs. 2,500
5. Gateway Enterprise, Bawngkawn	Rs. 1,000
6. Pu Lalrinliana te chung, College Veng, Aizawl	Rs. 5,000
7. STAM, Peter’s Street, Khatla, Aizawl	Rs. 10,000
8. Pu Zoliana, Republic Veng, Aizawl	Rs. 500
9. Damparengpui Hmar Veng Kohhran	Rs. 600
10. Sairang Pastor Bial Kohhran Hmeichhia	Rs. 9,480
11. Naupang Sunday School, Khawruhlian	Rs. 1,200
12. Bungtlang ‘S’ Pastor Bial Kohhran Hmeichhia	Rs. 2,000
13. Lungsen Pastor Bial Kohhran Hmeichhia	Rs. 3,700
14. Life Drug Centre, Upper Bazar, Hospital Road, Aizawl	Rs. 16,000
15. Pu Rohminga & Masangi, Lengpui Airport Qtrs., Lengpui	Rs. 1,000
<b>TOTAL</b>	<b>Rs. 69,980</b>

**II. THISEN PETE**

1. KTP, Maubawk Pastor Bial	157 Units
2. DIET, Chaltlang, Aizawl	170 Units
3. PUC, College Veng	167 Units
4. College of Veterinary Science & AH, Selesih	46 Units
5. Govt. Saitual College, Mizoram	65 Units
6. KTP, Bethlehem Vengthlang Branch, Aizawl	150 Units
<b>TOTAL</b>	<b>455 Units</b>

**PEK ZAT**

**III. THIL DANG PETE**

1. KTP, Bethlehem Vengthlang Branch	Bawlhhlawh ruhna 20
2. KTP, Sailutar Branch	Hmunphiah 35
3. Grace Home tan	
a) Hlimpuii, W/o Vanlalmuana (L) :	
i) Respirometer	1 no.
ii) Oxygen Regulator	1 no.
b) Hming thup	Rs. 500
c) Music System man tur pete	
Mr. G.W. Williams Bennet	Rs. 5,500
* Dr. Vanlalsiama, Vaivakawn	Rs. 1,000
* Dr. Valtea, Nazareth Cancer Hosp., Chaltlang	Rs. 1,000
* Dr. Zothanpuii Ralte, Care Hospital	Rs. 2,000
* Lucy Maruati, Gan Sabra	Rs. 500
* Lalrinmawii Tochhawng	Rs. 500
* Dr. Zairemmawii, Durtlang	Rs. 1,000
<b>TOTAL</b>	<b>Rs. 11,500</b>

Thilpek petute chungah kan Lalpa Isua Krista hmingin lawmthu kan sawi tak meuh meuh a ni.

Sd/- Rev. C. Lalbiakhluna  
Chaplain,  
Presbyterian Hospital



**Teikhang Kohhran** chuan ni 17.8.11–14.9.11 chhung khan Pu C. Lalnunsanga, Joshua Operation Team Speaker ruaiin Camp chhawng thum leh naupang Lâng Camp an nei a. Camp chhawng thumna hi V/C-te hmalaknain NGO leh Kohhran hrang hrang atanga Camping committee indinin buatsaih a ni. Zu hmun sa hmuna tal leh hnungtawlh tawh ten thlarau lam piantharna ropui tak an chang a, khawtlang boruak a nuamin an hlim hle. Camp-a lût zawng zawng hi mi 494 lai an ni.

Tawngtai maicham te an din a, Biak In hrang hrangah ni tin inchhawkin tlai lamah an tawngtai a, Pathianni tlai lamah chawnghei tawngtai an nei thin. Khawtlang boruak a nuam hle tih thu kan dawng.

**Sialhau Kohhran** chuan ni 16.8.11–4.9.11 chhung khan Tv. C. Lalchullova leh a Team te ruaiin Camping chhawng li leh Naupang Lâng Camp an buatsaih a, thlarau nuna chau leh hnungtawlh tawh te harhthar lehin Camp-a lût zawng zawngten Isua Krista Chhandamna an chang vek. Kohhranin lawmthusawi chawimawina an neih bakah, an VCP-in Bawngpa thawhin Pathian an chawimawi a. Pathian Ram thilpekah pawh hma an sawn hle tih thu kan dawng.

**Thiak Kohhran** chuan ni 17.7.2011–30.7.2011 chhung khan Upa B. Lalrinkima, The Shibolet Team Speaker ruaiin Crusade leh Camping an buatsaih a, Thlarau Thianghlim hnathawh a thleng nasain Kohhran an hlim hle. Camper zawng zawng hi mi 215 lai an ni. Kohhrana mi thahnemngai ten sum an thawh khawm hmangin tisa leh thlarau ruai an theh a, an hlim hle.

**Rangvamual Kohhran** chuan ni 15.8.11–18.9.11 chhung khan Gospel Meichher Team Speaker, Tv. Laldinthara ruaiin Chhandamna Camp chhawng li an nei a. Thlarau Thianghlim hnathawh ropui tak an chang. Camp-a lût zawng zawng hi mi 165 lai an ni a; Camp chhawng khatna leh chhawng hnihna hi Vaivakawn Pastor Bial bultuma neih a ni nghe nghe.

**Lamherh Kohhran** chuan ni 27.8.11–18.9.11 chhung khan Pu R. Lalnunkima, Kros Sipai Team Speaker ruaiin Camping chhawng thum an nei a. Kohhran pawl dang atangin mi eng emaw zat an luh bakah, khawtlang hruaitu V/C leh YMA hotute pawh an lût a. Tisa leh thlarau damna changin an khawtlang an hlim hle. He rawngbawlna hi hun lo kal zel turah an khawtlang tana thil pawimawh tak niin an hria. Camp atana mi thahnemngai sum thawh khawm ringawt pawh ₹ 20,360/- lai a tling a ni.

**Gharmurra Kohhran** chuan ni 3–11.9.11 chhung khan Hmangaih Fate Team Speaker, Pu Laldintluanga Sailo Speaker-a hmangin Crusade an nei a, Kohhranhovah harhna a thleng nasain, Biak In thleng pha tawh loten harh tharna an chang a, hlawkna nasa tak an dawng a ni.

**Tlungvel Venghlun Kohhran** chuan ni 22.8.11–7.9.11 chhung khan Pu R. Laltlanchhuaha, Gospel Peniel Team ruaiin Camping chhawng thum, mipui pual chhawng hnih

leh rawngbawltu pual vawi khat an nei a. Camp-a lût zawng zawng hi mi 444 an ni a, Kohhran pawl dang atangin mi 9 lai an lût. Ruihhlo avanga mual liam mai hma bak tawh te chhanchhuah an ni a. Rawngbawltu hnungtawlh tawh te leh piantharna la chang loten harhna thar an chang a, Kohhran an hlim hle. Ni 10.9.11 khan Pathian chawimawin tisa leh thlarau ruai an kil hova, an hlim hle.

**Thenzawl Dintar Kohhran** chuan ni 1–8.9.2011 chhung khan Tv. Lalngaihawma leh a Team te ruaiin Crusade an nei a; Kohhran mipuiten an hlawkpui hle. Ramthar rawngbawlna thu te, Kristian nuna ringtu mamawh te ngaihthlak a ni a. Hlim lămna nena hun hmangin Kohhran pawl dangte pawhin an chhim a, Kohhran an lawm hle.

**Puilo Kohhran** chuan ni 19–26.9.2011 chhung khan Synod Revival Speaker, Pu V. Thanghuama leh a Team-te ruaiin Crusade an nei a. Naupang Lâng Camp an nei bawk a. Pathian Thlarau Thianghlim hnathawh avangin an hlim hle a, Kohhranhoten an hlawkpui hle.

---

### SAWMNA

Mualkawi Kohhran chuan ni 3–4. Nov., 2011 chhung hian Kohhran Centenary leh Biak In thar hawn leh lawmna hun an hmang dawn a. Mualkawi Kohhrana lo lawi tawhte leh Pastor leh Pro. Pastor lo awm tawh zawng zawng he hun hmanpui tur hian an sawm.

---

### SAWMNA

Khawzawl Electric veng Kohhran chuan ni 12.11.2011 khian an Biak In thar hawn an tum a, hemi hun hmanpui tur hian an Kohhrana lo lawi tawh zawng zawng an sawm.

---

### SAWMNA

Kamlachara (Kamalachhera) Presbyterian Kohhran, Tripura Mission Field chhûnga Ambassa Pastor Biala awm chuan ni 23.11.2011 chawhna dar 11:00 hian Biak In thar hawnna leh lawmna, ruai nen ropui taka buatsaih an tum a. Hemi hun hmanpui tur hian an Kohhran nena inlaichinna nei, a thei apiang tel turin an sawm a ni.

---

### SAWMNA

Mualkawi Kohhran chuan ni 3 – 4 Nov., 2011 chhûng hian Biak In hawn leh Kohhran kum 100 tlin lawmna an hmang dawn a. Mualkawi Kohhrana lo lawi tawh zawng zawngte leh Ruantlang Pastor Biala Pastor leh Pro. Pastor lo ni tawh zawng zawngte he hun hmanpui tur hian an sawm.

---

### HRIATTIRNA

Kumin 2011 hian Pastor/Pro. Pastor Nupui Intawhkhawmna neih leh tur a ni a. Kohna hmu lo chuan hei hi kohnaah min lo pawmsak turin kan inngen e.

A hun : Ni 26.10.2011; 10:00 am–3:00 pm

A hmun : Synod Conference Centre, Aizawl

Sd/- Lalmangaihi

Chairman

Pastor Nupui Sub-Committee